

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik
Broj: 02/12-19-7303/20
Sarajevo, 10.6.2020. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača u predmetu – Izgradnja šetališta i Trga Bulevar branilaca Dobrinja – I faza

I

Prihvata se preporuka Komisije za javnu nabavku radova i ugovor za javnu nabavku u predmetu – Izgradnja šetališta i Trga Bulevar branilaca Dobrinje – I faza, broj obavještenja 422-1-3-88-3-62/20, objavljeno na Portalu javnih nabavki dana 28.4.2020. godine i “Službenom glasniku BiH-Oglasnik javne nabavke”, br. 24/20, dodjeljuje se ponuđaču „Ame“ d.o.o. Breza, sa ponudenom cijenom za ugovor u iznosu od 175.000,00 KM bez PDV-a, odnosno 204.750,00 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumente tražene u tački 3.1.3. tenderske dokumentacije koji se odnose na član 45. stav 2 tačka od a) do d) Zakona i dokumente tražene u tački 3.3.2 tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti original ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-7303/20 od 23.4.2020. godine Općina Novi Grad Sarajevo pokrenula je otvoreni postupak javne nabavke - Izgradnja šetališta i Trga bulevar Branilaca Dobrinje – I faza, broj obavještenja 422-1-3-88-3-62/20, objavljeno na Portalu javnih nabavki dana 28.4.2020. godine i “Službenom glasniku BiH- Oglasnik javne nabavke”, br. 24/20.

Zapisnikom o otvaranju ponuda od 20.5.2020. godine Komisija je konstatovala da je u predviđenom roku, u propisno upakovanim kovertama, pristiglo pet (5) ponuda ponuđača: 1. „Ame“ d.o.o. Breza, 2. „Sela“ d.o.o. Sarajevo, 3. „Mibral“ d.o.o. Sarajevo, 4. „Džekos“ d.o.o. Sarajevo i 5. “Dinalsa“ d.o.o. Sarajevo.

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da je pristiglo pet ponuda, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da ponuđač „Dinalsa“ d.o.o. Sarajevo ne ispunjava kvalifikacioni uslov tražen u tenderskoj dokumentaciji iz tačke 4.7.2. - garancija za ozbiljnost ponude. Garancija se dostavlja na način da se originalna bankovna garancija pakuje u zatvorenu plastičnu foliju koja se na vrhu zatvori naljepnicom na koju se stavlja pečat ponuditelja ili se otvor na foliji zatvori jamstvenikom, a na mjesto vezivanja zalijepi naljepnica i otisne pečat ponuditelja. Plastična folija u kojoj je originalna bankovna garancija mora biti označena rednim brojem, stranice ili lista, kao i ostale stranice ili listovi ponude i kao takva čini sastavni dio ponude. Ponuđač „Dinalsa“ d.o.o. Sarajevo je dostavio garanciju za ozbiljnost ponude koja na vrhu nije zatvorena naljepnicom sa pečatom ponuđača, niti je uvezana u ponudu, kako je traženo tenderskom dokumentacijom. Nadalje, ponuđač ne ispunjava uslove tražene tenderskom dokumentacijom u tački 3.4.1. (4) da je ponuđač opremljen neophodnom opremom za obavljanje radova, za što se kao dokaz dostavlja izvod iz knjige osnovnih sredstava ili ugovor o iznajmljivanju opreme, za kamion se dostavlja saobraćajna dozvola, a za radne mašine saobraćajna ili upotrebna dozvola sa zapisnikom koji dokazuje tražene karakteristike; (original ili ovjerena kopija). Ponuđač „Dinalsa“ d.o.o. Sarajevo je za radnu mašinu finišer dostavio potvrdu o vlasništvu vozila vlasnika „AS Company“, bez dostavljanja ugovora o iznajmljivanju opreme i saobraćajne dozvole kako je traženo tenderskom dokumentacijom.

Iz naprijed navedenog razloga utvrđeno je da ponuđač „Dinalsa“ d.o.o. Sarajevo ne ispunjava uslove tražene u tenderskoj dokumentaciji iz tačke 3.2.1. (4) – tehnička i profesionalna sposobnost i tačke 4.7.2 – garancija za ozbiljnost ponude, te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je utvrdila da preostale četiri dostavljene ponude ispunjavaju formalno-pravne i kvalifikacione uslove tražene u tenderskoj dokumentaciji, te izvršila računsku kontrolu ponuda koje ispunjavaju sve uslove i konstatovala je da nije bilo računске greške.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi: 1. „Sela“ d.o.o. Sarajevo sa ponuđenom cijenom za ugovor u iznosu od 200.374,91 KM bez PDV-a; 2. „Mibral“ d.o.o. Sarajevo sa ponuđenom cijenom za ugovor u iznosu od 200.945,28 KM bez PDV-a, 3. „Ame“ d.o.o. Breza sa ponuđenom cijenom za ugovor u iznosu od 201.401,57 KM bez PDV-a i 4. „Džekos“ d.o.o. Sarajevo sa ponuđenom cijenom za ugovor iznosu od 212.680,58 KM bez PDV-a.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 05.6.2020. godine sa početkom u 14:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-88/20 od 08.6.2020. godine, Komisija je utvrdila da konačna rang lista ponuđača koji su učestvovali na e-aukciji izgleda kako slijedi:

1. „Ame“ d.o.o. Breza sa ponuđenom cijenom za ugovor u iznosu od 175.000,00 KM bez PDV-a,
2. „Džekos“ d.o.o. Sarajevo sa ponuđenom cijenom za ugovor u iznosu od 175.798,00 KM bez PDV-a;
3. „Mibral“ d.o.o. Sarajevo sa ponuđenom cijenom za ugovor iznosu od 178.500,00 KM bez PDV-a;
4. „Sela“ d.o.o. Sarajevo sa ponuđenom cijenom za ugovor iznosu od 181.000,00 KM bez PDV-a.

U skladu sa članom 8. stav (3) Pravilnika o uslovima i načinu korištenja e-aukcije izvršeno je umanjeње za svaku poziciju tehničke specifikacije za procenat koji iznosi konačno procentulno umanjeње cijene postignute nakon e-aukcije za prvorangiranu ponudu, tako da ponuđena cijena za ugovor ponuđača „Ame“ d.o.o. Breza iznosi 175.000,00 KM bez PDV-a, odnosno 204.750,00 KM sa PDV-om, o čemu je ponuđač dostavio saglasnost broj 186/20 od 09.6.2020. godine.

Imajući u vidu navedeno Komisija je dala preporuku za zaključenje ugovora sa prvorangiranim ponuđačem nakon provedene e-aukcije – „Ame“ d.o.o. Breza.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis



Općinski načelnik

mr. Semir Efendić